



Broj: 05-19-47897/22
Sarajevo, 04.01.2023. godine

Na osnovu člana 66. stav 2. Zakona o organizaciji organa uprave u Federaciji Bosne i Hercegovine („Sl. Novine Federacije BiH broj 35/05), poglavlja V. tačke 2. Plana interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, broj 52/21), Ministarstvo komunalne privrede, infrastrukture, prostornog uređenja, građenja i zaštite okoliša donosi:

N A R E D B U

1. U zonama **A, B i C na snazi je epizoda „Upozorenje“**, u skladu sa Planom interventnih mjera u slučajevima prekomjerne zagađenosti zraka u Kantonu Sarajevo (u daljem tekstu: Plan), dok je u zoni **D (Hadžići)** proglašena epizoda **„Pripravnost“**.
2. **Naređuje se, u zonama A, B i C, uz primjenu svih mjera iz epizode „Pripravnost“**, preduzimanje slijedećih mjera utvrđenih u Poglavlju VI tačka 2. Plana i to:
 - Osigurati da sva postrojenja za proizvodnju toplotne energije snage preko 50 kW koja koriste čvrsta goriva i teška lož ulja, smanje temperaturu u prostorijama koje zagrijavaju za minimalno 3°C,
 - Smanjiti broj radnih sati tehnoloških postrojenja, sa Liste pogona i postrojenja, kojima namjena nije proizvodnja toplotne energiju za grijanje za minimalno 20%,
 - Primjeniti „mokri postupak“ za zimsko održavanje cesta od strane komunalnih i drugih ovlaštenih institucija na svim glavnim gradskim saobraćajnicama, regionalnim i magistralnim cestama, te na najmanje 40% najprometnijih lokalnih cesta,
 - Po potrebi osigurati protok motornih vozila bez dužeg zadržavanja na glavnim gradskim raskrsnicama putem znakova i naredbi koje daju ovlaštena policijska lica MUP-a Kantona Sarajevo,
 - Intenzivirati nadzor nad tehničkom ispravnosti vozila sa stanovišta sumnje na prekomjerno zagađivanje okoliša shodno Pravilniku o tehničkim pregledima vozila ("Službeni glasnik BiH" br.33/19)
 - Zabraniti izvođenje grubih građevinskih radova na otvorenom prostoru,
 - Zabraniti saobraćaj za teretna motorna vozila čija je najveća dozvoljena masa preko 3,5 tone na glavnom gradskom longitudinalnom pravcu na potezu od Bašćaršije do Nedžarića sa

preusmjerenjem saobraćaja na alternativne pravce kretanja u skladu sa članom 95. Zakona o uređenju saobraćaja na području Kantona Sarajevo (Sl. novine KS 30/17).

Tehnička regulacija saobraćaja za vrijeme zabrane vršit će se privremenom saobraćajnom signalizacijom ili opremom, znacima i naredbama koje daju ovlaštena policijska lica MUP-a Kantona Sarajevo. Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna vozila za prehrambene proizvode. Za vrijeme trajanja zabrane saobraćaja, upravitelji cesta su dužni svaki iz svoje nadležnosti izvršiti postavljanje privremene saobraćajne signalizacije i opreme, uključujući i održavanje iste,

- U zoni A: “Zabraniti kretanje automobila, čiji dizel motori imaju normu EURO2 i manju, uz pojačane kontrole inspeksijskih organa uz asistenciju organa MUP-a, te zabraniti kretanja teretnih vozila čiji motori imaju normu EURO2 i manju u skladu sa članom 95. Zakona o uređenju saobraćaja na području Kantona Sarajevo (Sl. novine KS 30/17), te čl. 24 Zakona o zaštiti okoliša FBiH ("Sl. novine FBiH" br. 15/21)

Ovo se ne odnosi na vozila policije, inspekcije, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila invalidnih lica i vozila hitnih intervencija (civilne zaštite, hitne pomoći, vatrogasaca),

- Zabraniti održavanje organizovanih sportskih i kulturnih aktivnosti na otvorenom prostoru, u cilju smanjenja kretanja i izlaganja stanovništva štetnim materijama, koje vrši organ MUP-a na zahtjev organa državne uprave nadležnog za poslove zdravstva,
- U zoni A izvršiti pomjeranje radnog vremena organa uprave, javne administracije, uslužnih djelatnosti u cilju rasterećenja kapaciteta javnog prevoza i saobraćajnih gužvi i osiguranja boljeg protoka vozila na gradskim saobraćajnicama,

3. U zoni **D (Hadžići)** se primjenjuju mjere utvrđene u Poglavlju VI tačka 1. Plana.
4. Za realizaciju ove Naredbe odgovorni su subjekti zaduženi za primjenu Plana, u skladu sa Poglavljem III i Poglavljem VI tačka 2. istog.
5. Ova Naredba je stupila na snagu dana 03.01.2023. godine.



Enver Hadžiahmetović, dipl.ing.maš.

Dostaviti:

- Subjektima zaduženim za realizaciju mjera (putem e-mail-a)
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba